

Guangjisi Minzcu Bau

ganhhau: CN45-0036 B.2013 Nd.5 Ng.15 liggaeuq gveiqceih nienz ndwenseiq coloeg

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3073期

Guekgya Minzveij Minzcuz Yijvwnz Gunghcoz Codanzvei Youq Nanzningz Hai

国家民委民族语文工作座谈会在南宁召开

Bonjbauq siusik(gicej Mungz Feih) 2010 nienz, Guekgya Minzveij fatboub le 《Aen Yigen Gvendaengz Guh Ndei Hong Guenleix Vah Saw Saujsu Minzcuz》nem 《Aen Cijdaui Yigen Gvendaengz Caenh'itboub Guh Ndei Hong Fanhoiz Vah Saw Minzcuz》, gveihva nem cijdaui le hong minzcuz yijvwnz guek raeuz. 5 nyied 8 hauh daengz 9 hauh, Guekgya Minzveij youq Nanzningz ciuhai minzcuz yijvwnz gunghcoz codanzvei, cienzmienh cunggez le song aen "yigen" gvancez losiz cingzgvang, yenzgiu anbaiz duenh laeng baenzlawz guh hong minzcuz yijvwnz.

Ndaej Guekgya Minzveij fucuj-yin Cinz Gaijhu daengq le, Guekgya Minzveij Gyauyuz Gohgi Swh sw-hcangj Denz Lenzganh cienzmienh cunggez le gij cwngzau song bi lai daeuj daengx guek gak dieg saedhengz song aen "yigen" aeundaej haenx, haeujlaeg faencek gij hingzsi

nem yinvu dangqnaj guh hong minzcuz yijvwnz, caemhcai anbaiz le seizgeiz moq baenzlawz guh hong minzcuz yijvwnz, daezok le iugouz.

Youq gwnz hoih, doenghboux daibyaui daj Cunghgoz Minzcuz Fanhyizgiz nem Neimungzgij, Giz-linz, Gvangsijh, Gveicouh, Yinznanz, Sihcang, Cinghhaij, Sinhgyangh daeuj haenx doxgyau gangjavah, daihgya cung naeuz, minzcuz yijvwnz gag miz gveihliz, wnggai daezsang lijln yinsiz, dingh'ok nem caezcienz mizgven faplwd fazgveih. Genyi laeb ciengjli byaujcangh gihei, gyagiengz bumwnz doxdoeng hezdiuz, damqra roen vunzcaiz minzcuz yijvwnz majmbwk nem ciuwez, caenh'itboub doihaeuj minzcuz yijvwnz gveihfanva, byauhcnjva nem sinsizva.

Gyauyuzbu Yijyenz Vwnzsw Sinsiz Gvanlij Swh swhcangj Cangh Haumingz youq gwnz hoih gangjavah.

Codanzvei liuxle, gyoengq dai-

byauj daengz yienhciengz gaujcaz le Vujmingz Yen Gingloz Siujyoz, Vujmingz Yen Gvangjbo Densidaiz nem Gvangsijh Minzcuz Bozvuzgvanj.

5 nyied 8 hauh banhaet youq gwnz gaihmuji, ndaej Swcigih Yinz-minz Cwngfuj fucuj-siz Lanz Denhliz daengq le, Swcigih Yinzminz Cwngfuj fumisuhcangj Vangz Vujhaij guh le gangjavah. Swcigih Minzyijveij fucuj-yin Yangz Gijbyauh daibyaui Swcigih Minzveij nem Minzyijveij cujyin Luz Yenbenj(okcai youq rog) gangjavah. Gyauhliuzvei youz Swcigih Minzyijveij fucujyin Vangz Cenzcungh cujeiz.

Daengx guek mizgven swngj(gih) minzveij, minzyijveij doenghboux faen guen hong minzcuz yijvwnz, mizgven buvej nem danhvei doenghboux fucwz hong minzcuz yijvwnz, doenghboux mizgven, gungh 120 lai boux camgya baez hoih neix.

SIUSIK DINJ

简讯

● Bineix, Hocouh Si Bingzgvei Gvanlijgih roengz 2500 fanh maenz baedauq, guh 6 diuz seiq gaep goengloh, gij roen neix gvaq 8 aen mbanj saujsu minzcuz, guj bineix guhsat. Gij hanghmoeg neix guhbaenz le couh hawj mbanj gungzhoj 17000 lai boux ginzcung saujsu minzcuz souh'ik.

(Cau Fanghnen Vuz Lifangh)

● Daj bineix daeuj, Dasinh Yen Baujhih Yangh cazdiemj, soucomz, cingileix, henhoh ndaw yangh gak aen cunh, mbanj gij doenghyienh nem hongdawz conzdungj. Daengz dangqnaj, aen yangh neix gungh soucomz ndaej 30 lai cung hongdawz, dwngghi 168 gienh.

(Banh Hungz)

● Bi'gvaq, Nazboh Yen sinhnungzhoh cwngecz hawj 26.1538 fanh vunzbaez souh'ik, gungh bouj cienzngaenz 561.69 fanh maenz. Aen yienh neix gij sinhnungzhoh cidu mizyauq dwk gaijgez le nungzminz saujsu minzcuz yawj-bingh hoj vwndiz, bauj ginzcung saujsu minzcuz youq ndaej sim'onj.

(Lingz Yihungz)

● Youq ciet "vujyiz" geizgan, Sanhgyangh Duncuz Swciyen gungh ciepdaih hekyouz ndaw guek rog guek 7.5 fanh vunzbaez, ndawde hekyouz rog guek 3200 vunzbaez, doengzbeij faenbied demhwnj 15% nem 5.5%; saedyienh lijyouz souhaeuj 3400 fanh maenz, demhwnj 26.5%.

(Gungh Bujgangh)

● Bi'gvaq, Bingzgoj Yen Swdangz Cin Fuzluz Cunh moix hoh ndaemcaz bingzyaenz souhaeuj fanh maenz doxhwnj, ceiq sang mi 2 fanh maenz, moix boux bingzyaenz souhaeuj 4227 maenz, gyawj gij suijbingz bingzyaenz daengx cin nungzminz. Dangqnaj, aen cunh neix caeuq cunh doxgyawj 190 hoh fazcanj suencaz daengz 2100 moux. Mbawcaz canjyez gaenq baenz hangh canjyez hawj saujsu minzcuz dangdieg demlai souhaeuj he.

(Vuz Aanhhingh)

Majsanh: Gujcai Yauzcuz Yangh Hai Vwnzlenz Daih'it Baez Daibyaui Daihhoih

马山: 古寨瑶族乡召开文联第一次代表大会



5 nyied 10 hauh banhaet, Majsanh Yen Gujcai Yauzcuz Yangh Vwnzyoz Yisuz Gyaiq Lenz-hozvei daih'it baez daihhoih swnhleih ciuhai. Ndaew yienh cwnghgez, senhconz-bu, vwnzlenz, gak yangh (cin) senhconz vejyenzvei daengj bumwnz gungh 25 boux daibyaui camgya. Vei yi ciuq gveihding senjok le Gujcai Yauzcuz Yangh Daih'it Gaiq Vwnzyoz Yisuz Gyaiq Lenzhozvei lingjdauj 7 boux. Ndaew doz dwg daihhoih yienhciengz.

(Lanz Cwnzlu Moz Swh)

Laizbinh Si Hinghbinh Gih Gaijguh Ranzyiemj Lajmbanj Hawj 4.5 Fanh Saujsu Minzcuz Souh'ik

来宾市兴宾区农村危房改造惠及4.5万少数民族群众

Laizbinh Si Hinghbinh Gih dangiveij, cwngfuj cungj geiqmaenh aen rapdawz vih vunzlai guh hong, naemj gij saeh vunzlai naemj haenx, roengzrengz youq gizhaenq, nyinh-caen saedhengz "lajmbanj ranzyiemj gaijguh" gunghcwngz. Daj 2009 nienz

daeuj, aen gih neix doenggyaq lai cungj fuengfap comz cienzngaenz, gungh roengz 13513 fanh maenz (ndawde gij cienzngaenz bangboubj cunghyangh nem swcigih gaep miz 10433.4 fanh maenz, si gaep 1513.6 fanh maenz, bonj gaep 1566 fanh

maenz), neix vih daengx gih 8410 hoh ginzcung youq diegbya gyae haenx gaijgez ranzyouq nanzdaez. Aen gunghcwngz neix hawj 45408 boux ginzcung saujsu minzcuz souh-ik.

(Loz Dinghungz Fanz Gihungz)